

PARADA DI MUCHA NA PLAYA 2001 DEN CIFRA

E cifranan di parada di Carnaval di mucha e aña aki na Playa, Carnaval 47, caranaval di aña 2001, copila tur aña pa colega **Juby Naar**, durante paradanan como barometro di nos paradanan, ta mostra e aña aki un caida di 4 grupo compara cu aña pasa, cu a celebra e caranval cu a ser considera esun di **Milenio** cu desde 1994 tabata e carnaval cu mas tanto grupo, pero no esun cu mas tanto participante, ya cu na 1994 cu a celebra di 40 aña di carnaval a registra 1881 participante y toch e aña siguiente na 1995 a registra mas tanto participante. Pa e lustro di 1994 ta roadpiecenan a resalta. Lustronan di carnaval generalmente ta registra mas tanto participacion, sinembargo e di 9 lustro na 1999 no a yega na cifra di record tampoco. E aña aki e participacion di bandanan musical tabata di mas tanto desde 1994 cu 10 banda musical, cay dos aña, subi 3 aña cu 11 y e aña aki yega **14 banda musical**. Brassbandnan a sigui cay y indicacion ta cu lo sigui na 1 otro aña si no bini 1 of mas acerca. **Brassbandnan ta bay direccion di steelbandnan** cu a cay drasticamente di mas di 20 pa solamente 1 steelband. E aña aki tambe **Soundsystemnan (Disco o Miniteca)** a cay di 12 na 1994 y 1995 pa 3, un tendencia di caida cu por a ripara ultimo 6 aña. Hopi a kere cu e sumanan astronomico di bandanan musical lo pone riba caya mas discoteca, locual no a resulta asina. Hopi ta menciona grandura di carnaval segun duracion di e parada na cierto lugaman. E aña aki a papia di carnaval grandi, mas grandi, largo etc. Mester tene cuenta cu bo por haya 13 grupo y e duracion por ta 3 ora, dependiendo di e cantidad di participantenan den parada y roadpiecenan. Bo por haya 25 grupo di carnaval, y e parada por dura 1 ora pa un ora y mey. Tur ta depende di e cantidad di participantenan y cantidad di roadpiecenan y trucknan cu bandanan musical, steelband of brassbandnan riba caya. E aña aki tabata tin 57 roadpiece riba caya cu ta menos cu aña pasa, pero pasamento di roadpiece riba caya, pasamento di trucknan musical, ta tuma tempo y espacio, creando e impresion di parada largo, mientras cu cada un ta riba su mes un tras di otro. Pa e parada di diadomingo tabata tin registra segun e lista di SAC 1687 participante, pero no ta tur ta presenta. No ta tur grupo tin e cantidad di miembro riba caya, manera nan a registra cu ne dia di registracion. E cifranan aki riba ta cifranan cu ta puntra lidernan di grupo basa riba e pregunta : "**Cuanto hende bo tin total den bo grupo awe ?**" y esaki ta e cifra real di parada.

CIFRANAN PARADA DI MUCHA NA PLAYA AÑA 2001

	1994	1995	1996	1997	1998	1999	2000	2001
Total di participante	1881	1901	1407	1227	1415	1365	1613	1535
Bandanan Musical	10	10	7	8	11	11	11	14
Brassbandnan	3	6	4	3	4	4	2	1
Steelbandnan	0	0	0	1	1	1	1	1
Soundsystem	12	12	9	8	9	5	6	3
Roadpiece	108	84	27	47	73	44	62	57
Carosa	15	11	5	6	2	3	10	8
Gruponan	14	15	15	13	19	18	22	18

Den parada di mucha na Playa a keda registra e aña aki un jeep-bar, 5Van cu a ser usa como bar, 6 trailer-bar, 4 pickup - bar , un jeep di utilidad y un auto di utilidad, (no ta inclui autonan policial) Trailer-bar a baha di 11 aña pasa pa 6 e aña aki.